


梅溪先生文集

後集八之十二



漢書門	
一〇二六五號	類
七四函	
一一架	
一七冊	

內閣文庫	
一〇二六五號	漢書
一七冊	
三六函	
三架	

內閣文庫	
番號	漢 10265
冊數	17 (12)
函號	316 9



淺草文庫

梅溪先生後集卷第八

七月三日

我來鄱君山水州山水入眼常遲留絕境遙通雲錦洞

安仁縣銷水絕清音下瞰琵琶洲餘干縣有清境亭雲銷水絕清音下瞰琵琶洲餘干越亭前

晚風起湖入鄱陽三百里曉來一雨洗新秋身在江東

畫舫裏

次韻何憲子應喜雨

亢陽誰謂不為災飢饉連年甑有埃旱魃忽隨冤獄散
雨師遙逐使車來平反盡欲歸中典調燮端宜位上台
更喜詩如杜陵老江流坐穩興悠哉其至人問正作雲
霓望天半忽驚霖雨來

登綺霞亭用喜雨韻

六月西征遇旱灾脩途千里踏塵埃雷公俄喚阿香去
霖雨便隨流火來天入滄浪游楚越雲翻穉穉憶温台
綺霞亭上一回首滿目湖山壯矣哉

追和范文正公鄱陽詩

郡齋即事

理郡端如理乱絲范公往矣欲誰師典刑猶有堂中像
光豔長存壁上詩未報 国恩嗟老去不逢人傑恨生
遲一尊坐對鄱江月耿耿忠懷祗自知

游芝山寺

出郭上崔嵬山川亦壯哉三芝誰采去五老欲飛來懷

古情無盡思鄉首屢回論文一尊酒天色為吾開

登綺霞亭用碧雲軒韻

郡亭臨大澤霞障截塵紛有色祗因日無心元是雲滄
浪隨郭轉欵乃隔江聞文正已仙去佳名千載芬

亭正名

降聖節詣天慶觀因謁顏魯公范文正公祠堂

用贈 御賜名道士韻

顏范遙同異代心琳宮香火道緣深詩家風味今誰在
定訪弥明與共吟

觀文正像用贈傳神道士韻

天然形貌寫何難難得靈臺上筆端朋黨論與三出日

不知誰作正人看

移竹植郡齋之東用懷慶翔堂韻

手移修竹傍墻栽老眼青青為竹開獨坐書窗誰是伴
清風時作故人来

十月望日同官會飯薦福送酒

鄱水同僚摠不群公餘相與共論文遠公蓮社恐無酒
輒効江州王使君

生日示聞詩聞禮

哀哀父母生我勞生口不見徒悲號今年偶然夢三刀
二千石向鄱陽叨身雖五馬已二毛烹羊擊鮮斫蟬螯
殷勤為壽勞尔曹願尔它年著綵袍二親無恙年俱高

更与諸孫持壽醪滿堂賓客來英豪會看醉臉如仙桃

木蘊之即席和文字韻詩酬以二絕

少年才氣已超群場屋能摘錦綉文糠粃在前真有愧
春風得意豈如君

回頭遙念蕩中羣把酒欣論坐上文臭味聊將比兄弟
大馮君与小馮君

觀郡守題名并書一絕

濫與江湖岳牧群於中取慕范希文人才相遠心相似
均是憂時與愛君

項服善知縣和詩酬以三絕并簡林致一教授

膽落庭中雁鷺群寧容摘紙舞微文鄱陽賢令知多少

惟有鄙君与項君

牧養功成鮮敗群絃歌声裏出詩文只愁桃李春風近

卧轍無由駐令君

無錢令尹陶彭澤有道先生鄭廣文預約它年還故里

共騎白鹿效文君樂清乃張文君騎白鹿飛仙之地

題薦福寺莫之堂

休休有室宜歸早莫莫名堂去恨遲禪老相逢應咲我

休休莫莫定何時家有休之室

哭馮員仲

一代奇男子哀哉命止斯共天終不忍蹈海亦何辭下

惠已三出照鄰俄五悲煩言何足辨公論不容欺

身為多才誤朝無一日安寧為獨醒鬼不作附炎宮夢

斷吳江冷鳧歸蜀道難郡齋揮老淚重取近書看近傳

過江州書

陸居士挽詩撫州人有子六人子九齡在太孛

槐市訪同舍麟經推阿戎傳家知有子種德本由公遺

訓皆新語多男類陸終佳城在何處楚尾白雲中

洪帥陳阜卿寄筍

均是蓬山逸遠官夢中猶問竹平安籜龍寄我知君意

要使剛腸飽歲寒

次韻何子應題不欺室

公如憂國房玄齡我如鄭公思批鱗隆興天下同正觀

頭為賢相為良臣我去公來不同日各展忠懷對宣室
江湖邂逅論赤心更約聯翩書史筆坤文敬義誠君子
可惜作銘人已死八十四字騰光芒便是千年不欺史
張魏公作銘

郡丞對雪

平生為雪牽詩興今日無詩柰雪何淨几翻書擁爐讀
吟坐呵硯帶冰磨寒江獨釣句思柳銀海光搖人憶坡
欲兩三杯賀豐歲却憂疆場正干戈

子應和詩再用前韻

江東臆雪為誰多清逼官梅興動何堂坐玉芝勞想像
王州宅有句工冰柱老研磨廣酬往事思蓬島

歸災異狂言竹諫坡是歲上元雷雪併作某聽取金華
新號令要須白戰不持戈

祠顏范二公

鄙江善政九賢人文正文忠更絕倫桃李舊邦千里愛
丹青遺像兩朝臣不同赤土祠刘阮端勝睢陽廟遠巡
安得神仙返覓藥九原喚起靜邊塵

題何子應金華書院

君不見杜陵野客老更狂浣花溪上結草堂又不見
仙世人皆欲殺匡山讀書頭如雪二公同時鳴有唐文
章方丈光艷長鈞天無人帝呼去草堂書館今荒涼太
平宰相張居士外甥似旧金華子胸中万卷社陵翁筆

下千篇謫仙李向來衣冠拜偽楚我乃宋臣惟有死
何曾着眼癡宰相况有低顏聰御史天邊卿月落九疑
口誦離騷吊湘水誅茅築室小東山天下蒼生望公起
種梅志欲調商鼎持斧夢刀聊爾耳公生長安我東嘉
天遣邂逅鄰江涯筆頭一語真戲劇却將鉄面擬金華
于應和顏范祠堂詩云鉄面金華自是金閨彦金
華應和顏范祠堂詩云鉄面金華自是金閨彦金
口褒揚兩朝眷未須歸去金華山行將入侍金華殿

閏月三白三首

閏月生明後初四日江天未臈時風翻禹門浪花糝月
宮枝秋桂三花放照夜皎珠樹秀庭祥玉棧定知年大有何
止麥相宜

芝

迎臈雪三白未春花万株神山森玉府天象粲台符詞
吐水流峽鼎成風擊湖鬢邊絲可織四皓盍添吾

占盡一陽月分為六出時自初四雪初八又韋編照清

夜塞管落南枝獻中荆山玉開成廟柱芝蘇詩瑞芝產

宗時庭人間瑞已定過此却非宜

又和項服善三首

風雲頻慘淡草木屢蒼顏詩裏報瓊玖宮中掃玉環揚

凡三帝庭侯帛至佛殿宝珠還更有人清白鄱陽似魯

山

梅葉開仍落同雲合未離添為五大老真是四無私天
女來成粲水蚕老欲絲梨花一枝雨冷艷可能欺

又用時字韻

黃竹成章日陽春衆和時玉階談戲陳瓊燕賜花枝陶
徑還飛絮商山欠採芝西疇農事及歸去正吾宜

和洪景盧用三白韻作四白詩

大似佛世界端如玉烛時穆家兄弟味楊氏子孫枝揚
四世為公以郵海明瑤柱四明出鄞亭望秀芝鄞江有

楚士照干乘韓梨夸數株舜門紛執玉堯岳銜分符室
結文房友鑑明狂客湖郊圻正多壘兵會憶夷吾吳會

臆盡日又雪洪復作五白詩再和

天地俱同數嘉平欲盡時柳飄彭澤絮松壓大夫枝越
絕山飛洩越有瀑布文登石產芝登州海上五濫騎為
郡馬深願穀相宜

日掩雲間色李嶠詩云榆栽天上株芳聯仙桂籍窮送
舊桃符遠岫明戶阜澄江接帶湖宣麻開晉國入蔡憶
金吾裴晉公五拜相

次韻何子應得宣城筆

金華手握管城子端類睢陽太守鬚鬚筆有神人不識
怒時真可氣吞胡

聞捷報用何韻

淮甸流離唐赤子將軍奇特魏黃鬚願將銀管書忠誼

糞土東京趙与胡

不欺室三字參政張公書也筆力勁健如端人
正士儼然人望而敬之因成古詩八韻

雲山老人国大老歷代遺編歛探討餘事游神翰墨間
乘輿濡毫快揮掃嚴霜烈日如魯公抉石奔泉陋徐浩
国朝君謨書第一大字劣於行与草雲山心畫无不長
筆力縱時書更好我来求字盖求人不為有官緣有道
紫岩之銘雲山筆不欺室中双至宝玉簫峯下梅花溪
願學雲山歸去早

出郊遇雪

小队出郊聊習戰朔風吹雪似催詩皇天有意誅驕虜

正類元戎破蔡時

何子應以蜀中文房四宝分贈洪景廬王嘉叟
某與焉因成一絕

江左風流属憲臺筆端妙語出瓊瑰濫居益及三人列
誤辱文房四宝来

送翁東叟教授

鄱陽江上五見雪鄱江樓上風栗烈廣文先生不畏冷
弭棹登樓興清絕筆端妙語出離騷酒後剛腸吐名節
芝堂假守老鄉人明日仙舟那忍別

三十年間舊友生眼青頭白見交情官於湖北况尤冷
詩不江西語自清行李少留吳芮国夢魂先到謝公城

扁舟便合相隨去薄有田園正可耕

和宝印叔見寄

官舍蕭條怯莫冬衰顏得酒暈生紅
遙思蘭若堂中老非柏非松自耐風
濫乘五馬二毛侵雪滿鄱江坐擁衾
二叔年高兄弟遠歸期當不待秋砧

用韻寄二弟

六月離家忽莫冬郡坐清夜擁爐紅
細看慶朔堂前雪正似梅花溪上風
甚矣今年老見侵玉芝堂冷敝衾衾
夢魂夜夜尋兄弟率飲亭前坐石砧

送蔡卒

白首論文得蔡侯江東尊酒半年游
龍頭家世高千佛驥足声名重一州
方喜同僚吳芮國不堪回首仲宣樓
送君撩我思鄉意薄有田園歸去休

齒落

五十行將四浮生已向殘齒疎方啮柳
牙落遽驚韓猶訝年初亂翻疑頰未丹
定知從此去梨栗怯堆盤

次韻李懷安贈何憲五絕

元老登朝首剡章危言凜凜動明光
掉頭却向江湖去不肯伊優上北堂

伊洛橫渠造道深誰傳衣鉢見貞心
儒宗賴有金華子

後學寧憂不嗣音

夢魂聞說到无何曾共神官壯者哦妙墨雄文滿天下
士衡應亦患才多

炙手權門盡好官雲山高卧老江干相期晚景全名節
富貴何須着眼看

元白詩筒數往還小生閣筆媿言艱異時應起鄱江念
公在金華我雁山

李懷安擁麾入蜀道出鄱江見贈二詩依韻奉

酬

不肯隨群慕鶴軒慨然丹陛吐危言坐看蜀道平如地
可見忠臣勇似尊駟馬橋邊驅弩矢杜鵑声裏擁旂旛

要須入境詢風俗首訪嚴遵李仲元

一麾出守楚東城邂逅論交媿孔程元礼仙舟行色好
子猷雪棹去心輕虎符稔服君家世雁蕩行逃我姓名
酒盞詩篇話時事江湖何日更尋盟

国娘生日二証明

往歲王司業初生嫡女孫命名聊志喜曰国不忘恩日
在元正次身居葦行尊国娘在葦行中為長願如班与孟賢淑振
吾門

陳阜卿書云聞詩筒甚盛可使流傳江西否戲
用竹萌韻以寄

江西大帥本仙官餘事篇章過定安欲遣詩筒寄詩筒

恐嫌白俗孟郊寒

次何憲韻

毛穎神明更好鬚飛騰入月跨蟾蜍誰將銀管為封邑
端為金華妙簡書鳳翥龍蟠文未稱逸少止以日光玉
潔字還踈不盡韻謂何如今代何平叔筆陣詞源認莫
如

金華先生有奇石名碧遠携來自蜀陳洪州以
詩覓之金華輟所嗜以贈亦一段奇事也予家
雁蕩群峯錯峙皆几案間物因和二公詩頗起
鄉思寓意斷章

二公心古貌清癯趣在林泉世味踈寸碧來從錦江遠

九疑分向錫山居碧遠峯本九疑也陳錫山人也

丘壑奴金谷筆下波瀾陋石渠我有千峯歲雁蕩擎天

一柱挿空虛天柱峯在雁蕩軍為奇絕

嘉叟宗丞得郡喜成一絕

邸報初聞見姓名甘棠家世旧專城伯魚詩礼趨庭處
五馬旌旗夾道迎

人日雨次何憲韻

元正作佳天涉七弄春氣好雨亦知時綠波行何濟新
詩如蜀州句有梅柳味七升年定豐一石公當醉

子應贈蜀中石刻十卷詩以謝之

金華石刻滿西州不惜明珠輒暗投詩泣鬼神追雅頌

義深君父妙春秋公有春秋書義深君父隨身連軫崔評事
挿架懸籤李鄴侯掃室焚香讀終卷光芒万丈照螺洲

次韻嘉叟讀和韓詩

孔孟久不作况雄莫能和韓公生有唐力欲極頽挫文
興八代衰李抹諸子過佛老蔓中華微公衽其左餘事
以詩鳴語險鬼膽破汗瀾高駕天捷敏劇飛笥騎龍歸
帝旁玉日人間墮汗流籍湜輩圭璧分半箇柳和詞擬
騷郊聯語成些咸知太山仰誰繼北窓卧我本齏鹽生
久供筆硯課幽香摘天葩光艷拾珠唾後公三百年杖
屨无從荷世无六一翁孰知珍古貨巴詞擬陽春僭竊
罪宜坐神交有吾宗涉世同坎軻李繼青箱玉詩高碧

紗播勉令添和篇才薄知何柰謬同赤効白深媿愈知
賀世事置勿論蚊睫蟲容麼

元夕次何憲韻

火樹銀花遍九衢天移星斗下空虛心憂機婦寒窓士
詩句分明似諫書
鄱陽灯火類殘星風雨那堪更滿城為郡何如在家好
長檠不似短檠明

送何憲行部趣其早還

九郡飢民望使輶陽春有脚不辭遙更須速返鄱君國
莫遣詩筒久寂寥

種金沙花戲呈景盧

春光駘蕩楚天涯李白桃紅次第花未向名園看鉄樹
聊於郡園種金沙

郡圃栽花

公餘吏隱不相賒杖履園林賞物華五柳宅邊誰種柳
百花樓畔謾栽花郡圃有樓池塘有夢吟春草蘇熹堂有屏
障無心恋綺霞綺霞亭來歲游人應話我雁山深处老桑
麻

二月朔日同嘉叟蘊之訪景盧別墅用郡圃栽

花韻即席唱和

鄱水芝山四望賒雨餘風物陪光華名園種果仍修果
妙手栽花似判花行見晉公開綠野聊從子美酌还霞

坐間賓主皆人傑我質如蓬頼倚麻

野処名園境界賒夷堅博物似張華景廬志參天先種

柳州柳園中新照眼兼看花縣花園與縣即席賦詩袍

奪錦論文對酒臉生霞自慚衰病陪行樂策杖登城脚

欲麻

還舍復用前韻以寄

負郭園林路不賒杖藜徐步賞韶華芹宮地近分汜水

烟近日芝嶺風高送落花園在芝山詩花落入城東簷外梨

枝春帶雨梨花城頭桃樹晚蒸霞城上皆行看共掌絲

綸美寧復丘中詠有麻舍人兄弟皆掌絲綸和詩有詩

景盧嘉叟各和詩五首復用前韻

草堂相去不多賒雨後登臨喚華華心喜淵明尊有酒
眼驚太白筆生花來看四澤滿時水滯見九光披夕霞
是早陰日得兩使君詩十首郡丞傳寫費川麻

用韻懷何卿

送別鄱江日未賒詩人相問憶金華烏衣巷口見歸燕
鈎如万里橋西思浣花持節要先蘇赤子攝身未用踏
蒼霞詢嶺行將歸侍玉皇案不比少陵鞋用麻

嘉叟和詩至七篇有何時五畝成歸計來作鄰

翁伴藝麻之句某鄉心方切復用韻

李继初寮事業賒閉門寧海讀南華符分異化日烘荔
室寓維摩天雨花宗丞寓居僧舍故里君應懷北岳歸心我已

到飛霞永嘉有飛霞洞天休休莫莫宜閑處耕有添丁婦織麻

梅溪先生後集卷第八

梅溪先生後集卷第九

州宅十二詠

平政堂

愷悌周君子循良漢守臣如今坐堂上端是政平人

玉芝堂范文正名

不是因三秀名堂意自深要居森戟地毋忘采芝心

慶翔堂范文正公建

昔日栽花者官移花未開舊花今豈在猶說范公栽

退思軒

會得名軒意公餘坐片時退思何及矣未退早須思

九賢堂

猶起才難歎同時九乱臣鄱陽千載守賢豈許多人

四賢堂

誰品鄱陽守四人賢不知如何堯舜世能使野无遺

四望亭

有澤宜觀水无落不見山鄱若千里国俯仰一亭間

綺霞亭

孤鷺同飛处澄江共賦詩晚來亭上看真是謝公詩

清香亭

高架添風韻芳醪共姓名蘇州疑燕寢疑是此香清

百花樓

昔日風流守公餘種百花春風不檢點紅紫落誰家

多

鄱江樓

郭外山橫閣岫江邊水照樓麓官无暇日何以得消憂

蜀錦亭

蜀錦海棠文正公所植亭今廢

亭廢名猶在春來花自芳猶餘蜀中錦爰惜比甘棠

景盧贈人面竹杖

奔走方嗟力不任得公一杖直千金竹能有面如人面

人亦虚心似竹心渡水只愁龍欲化入山應與鳳聯吟

翰林虞部相酬贈同舍交情復見今蘇軾贈同舍子

軒與洪亦館

鄉人頃服善宰鄱陽有政声人惜其去用郡圃

栽花韻作詩數篇叙別遂和以送之

七歲名師世胄賒雲孫行實副文華仁心馴及魯恭雉
和氣種成潘岳花清白見知鄱水月高明相照楚天霞
送君撩我思鄉意遙想吾庐日長麻
鄱江同事半年賒直諒何人佯去華吏報園扉多鞠草
民歌枯木再生花邑人有枯木詠暫留蕭寺行逢雨刺作
新詩語帶霞褒德自應侯卓茂清朝知己况如麻
江東回首莫雲賒寒食令人感歲華皎々丹心惟望日
襪翻星星短髮不簪花書傳何処山名雁騎家酒憶吾
鄉水似霞樂清有赤水之名故舊相逢如問我為言多
病服天麻

公真有德如元令我媿無才似李華話別蓮堂傾竹葉
送行鄱水漲桃花眼看三匝烏逢月心羨齊飛鷺趁霞
它日相期訪刘阮分桃采藥飲胡麻

予向年少不自量因讀韓詩輒和數篇未嘗敢
出以示人盖二十年矣近因嘉叟見之不能自
掩且贈以長篇蒙景盧繼和用韻以謝

少小思尚竒薰風琴欵和規模与時背場屋屢摧挫大
道窺五原高論讀二過神游京城南詩山思渺蒞水左
竹看金影碎菊擷霜風破論文摩巨刃薦士躬疆寄蕭
蘭發秋懷木雁吟齒墮飛飛及鳥鳴不數鷗兩箇幽幽
十琴操可僕蘭臺些光餘万丈長照我一牀卧未終三百

篇正坐短檠課辯古律詩以共三伯餘篇初妄意不敢示
友朋懼遭泥滓唾文章吉太守臭味夙相荷索我舊詩
案贈以千金貨郡丞哦好句艷艷月照坐端如陳琳檄
快讀痊軼軻濫把江湖麾謬聲慚日播祈寒兼苦雨怨
嗟吾豈柰竊效衡山禱禱是晴日因思鑑湖貨乞時祀鵬鷄各
逍遙溟蓬无巨麼

次韻陳阜卿讀洪景廬追和玉板詩

風采稜稜御史官旌麾所至庶民安渭川千畝填凶臆
散作毫端風雨寒
前世書魚化宰官肺腸元与竹相安侯生韓子相謝贈
詩句驚人覓膽寒

次韻何憲脩途倦游懷鄱陽唱和之樂

馬上詩成驛使馳社中猶恨使來遲不堪冀北群空後
况是江東日莫時春半鶯猶懶呼喚雨多鳩亦厭分離
論文尊酒何時共公說歸期我去期

次韻何憲太平道中書事

明刑清詔使行部近清明况有太平象想亡愁嘆声問
民知疾苦按郡戒將迎更向金陵看六朝餘故城

次韻何憲題魯池州通隱堂

朝市隱誠好山林通更嘉出非專為米去亦不期瓜下
惠何妨介東方未用夸諫方朔遺事詩挾息更誇作池州
知此道无媿仲連家

芝山勸農

出門非為采靈芝端為農時不可違我欲勸農勸我
田園薄有早願

二月十五日祈晴十七日雷雨再作

清香一瓣乞晴回準擬陽光万里開風伯未吹雲陣破
雷公又喚雨声來補天石爛疇能鍊陷潭車深不步推
誰坐黃堂稱太守深慙无術求天灾

喜晴再用前韵

天閔斯民意已回群陰不掃自應開扶來曉日瞳瞳出
玉宇清風習習來水綠漁翁声款款乃月明詩客手敲推
秧針刺水麥搖浪定有豐年无後灾

數日天氣朝陰莫晴復用前韵

忍飢面目類顏回僅得青天半日開且願催詩无雨至

只宜送月有風來出將偶似文昌霄待滿當為桀溺推

運之和張十一慎作行云君當
先行我待滿沮溺相繼窮年推曰雨曰暘皆帝力麥苗

无害免書灾

哭何子應

籍甚何夫子文章擅美名金華傳語室鄱水主詩盟心

印橫渠學相門无盡甥人間一夢覺知月隨臺城

翫離宜三出飄零到九疑忠膺黃屋眷音遇紫岩知必

張魏公薦被共理符頻縮明刑節屢持青天万里蜀无

復話歸期

公作皇華使予乘郡守轄江湖吳芮國襟抱杜陵尊翰
墨頻揮染詩文細討論新編禁未就楚些已招魂何似
二月二十二日行部方議開楚東訓唱集途中三

同官會飲鄱江樓送谷簾泉二尊戲成小詩

聞說樓中會八仙郡齋分送谷簾泉好將投向鄱江水
共作長鯨吸百川

名郡之東門曰永平書一絕

鄱水新門號永平永平何止一鄱城願言廣此平天下
黎庶長無愁嘆聲

主簿程同年和永平門詩再賦四絕因以贈別
迂儒政事只平濫守鄱陽十里城賴有同年更同事

公餘時作苦吟聲

高唱猶嫌二謝平偏師能破五言城番人口誦新門記
已作雷門振大聲

才知端如杜下平異時何止任專城三年俛首栖榛棘
行作冲霄鸞鳳聲

春盡湖如鏡面平扁舟送別古番城相將我亦為行客
征雁來時好寄聲

送春

楊花榆莢滿天飛九十風光別我時鳧鷖成行振公事
簿書中作送春詩

州院獄空贈知錄孫聽

把麾承乏楚邦東，獄及期年始報空。顧我自慚無德政，同僚深喜有于公。

鄱江樓分韵得月字

尊酒相逢人二八，年少壯夫子白髮。明年何處更登樓，遥望鄱陽江上月。

前端午一日會飲鄱江樓，十有六人，既分韵賦

詩，又戲成短篇。

佳節江樓上，同僚共把杯。人如舜才子，名半漢雲臺。詩

占城南首，音參古磬枚。宜添兩學士，相約訪蓬萊。韓退

城南詩十六首，漢韓退之郡得古磬十六枚。

五月二十日閔雨

仲夏百穀長，中沐群龍分。睭彌龍此邦，得何龍行天。莫
經動願於呼吸，聞山川走風雲。亟下霈然澤，揀我心如
焚。

次韵葉樞密言別

不落江湖歲月侵，九重側席念公深。漢庭寬大頒綸綍，
楚閣清和襍枕衾。楚公寓居大壑巨魚欣復縱，虛舟積羽
可能沉。乾坤整頓須元老，芝嶺柯山未許尋。公嶠今暫
居柯

洪景廬以郡釀飲客于野處園賦詩見寄次韵
老境厭吏事，歸心遶丘園。日月忽有夏，炎蒸變春温。芝
堂孰新釀，誰共論文尊。緬懷蓬山舊，情好素所敦。殷勤

十從事往掃東坡軒深杯滑琉璃不比田家盆醉吟到
高處舞月成清歡我獨坐空齋靜對忘憂萱萱多憂未
忘香清思猶昏懷君不成寐兩處一聲猿

剡紙贈嘉叟以詩為謝次韻

仁義知君學子興豈惟詞賦似相如剡溪百幅敲冰紙
換得臨池小草書

伏日四望亭分韻得月字

伏日何處游危亭陰清樾十客同我登詩興浩然發四
簷山在眼奚用更柱笏小飲未成醺天邊見新月

次韻趙通判喜雨

政拙時二費禱求心憂赤子餓填溝一聲霹靂中宵雨

洗出江湖万里秋

徐孺子亭

一室不暇掃心期掃天下一榻不妄設所待必賢者南
州傑出士林泉事瀟灑閉門謝弓招道合不吾舍誰云
性少通得一不為寡豫章豈私交端欲重宗社漢廷无
此賢忍使遺在野交章薦天闕聘禮備車馬高人竟不
屈清風凜華夏寄声郭有道一木難支厦肯同樊處士
声名祇虛假鷄酒弔知音翰光老松檟倘令居孔門行
歲似回也江西今仲舉吏事飾儒雅神交千載友丹青
妙摹寫作亭古東湖鱗二万椽瓦序嗤滕閣王詞偏長
沙賈佳客從公游湖光瑩尊學孺子真可師世途何土

首行矣浙東西鉏犁各歸把

張安國舍人以南陵鄱陽雨暘不同示詩次韵
春水平原天可拍夏日如焚天可拆哀哉農民亦良苦
厭見常暘与常雨去秋鄱陽偶中熟巨室猶言廩元谷
万畝家輸数千斛路旁安得黔教粥 吾君罪已同禹
湯思起傳岩調雨暘暫勤千騎作南伯要使炎嶠无餘
殃

又次韵閔雨

長夏蚊蠅倦驅拍忽得緘封手親拚新詩首及民疾苦
吏閔鄱陽境无雨鄱陽假守仁不熟作郡端如種焦谷
胸中賸有愁千斛闔門百指顏公粥紫微好善嗤洪湯

公孫汝張湯皆善賢好善然其人不足取也 眉間和氣如時暘行歸廊廟贊
化育善人宜賞淫人殃

次韵安國讀楚東酬唱集

麾把江湖遇列仙賡酬篇什滿鄱川竇家兄弟聯珠日
后阜峯峦夕照天鄱陽芝山有正五老亭西望廬阜晚晴則見
鄱陽三郡美名俱赫二陳洪州洪吉一臺遺墨尚鮮
詞紫微妙語題詩後光艷真能照簡編

安國讀訓倡集有平生我亦詩成癖却悔來遲
不與編之句今欲編後集得佳作數篇為楚東
詩社之光復用前韵

六遠中无李謫仙前集恨不得詩筒忽得舊臨川前集

鄰劄也乃枝芳又類燕山桂何卿往今馬立欣瞻刺史
天帥三人公似虞臣宜作牧我慙氣技濫烹鮮新詩不
減顏公詠貴若山王定不編

次韵安国讀薦福壁間卿二詩張然有感

金華遽作鬼中仙嘆息真同子在川何遜詩猶在東閣
杜陵家不上青天期卿海期歸蜀之忠隨奏疏
留丹闕字落禪房照碧鮮客過楚東吟楚些唱酬新
集定須編

五月二十五日餞安国舍人于薦福洪右史王

宗丞來會坐間用前韵

尊酒相逢半八仙髮絲我類社樊川江東渭北四方客

王淮西洪江東楚尾吳頭五月天蓮社濫陪陶令飲兵
厨聊擊陸生鮮待將紅藥翻皆句別作番陽一集編張
詠和楚東唱

再用韵送安国

辟穀留侯早得仙慶鍾苗裔福如川少年為佛魁千佛
今日生天作二天西掖代言詞俊逸東湖題壁墨澄鮮
題此行定有詩千首莫惜因風寄數編

易芝山五老亭名曰五峯安国書之因成短篇
三秀呈祥處危亭壓衆坡眼驚庐阜近峯類夏雲多喬
嶽神咸會蒼穹頂共摩紫微新鉄畫輝映楚江波

次韵安国題餘干趙公子養正堂堂張魏公所

名也并為作銘

去歲西來路偶同法六翹舒赴番饒魏公儼相未一言
不肯話飄蓬國公所銘成養正首示我公以餘月翔
稿於出題堂銘彙見示病室坐不欺深念公大盜欲纏
這拱北群言交乱卒居東可伶未戰身先死貫日精忠
化白虹

次韵安国題清音堂

堂上清音樂奏仙洲如孤峙媚中川餘干送服三苗國
陸羽高飛百越天有陸羽竟隸亭湖冠風過琵琶
声不断水來雲錦色長鮮留題重遇張公子又入詩中
第一編唐張祐詩在干越題詠中為首篇

郡齋舊有假山暇日命工葺之取石之嵌者率
置山頂汲水甬竹引而激之自頂而下有懸崖
飛瀑之狀予既以蕭洒名齋因鑄二字于石戲
成古風

山從何來石無根水從何來山無源忽然幻出如自然
群峯萃律声潺湲石工貌愚性機巧兩手頃刻成陶甄
坐移野景到城郭解使平地生林泉香炉瀑布名天下
雁蕩龍湫更瀟洒名山不見典刑存得趣何須論真假
君不見晋公元勳兼盛德綠野堂前羅澗石又不見行
行正直韓退之汲井埋盆成小池二公胸中有佳致澗
石盆池聊自戲世間万事皆戲耳何止茲山與茲水

梅溪先生後集卷第九

梅溪先生後集卷第十

詩

予自饒易變以七月九日行饒人遮道挽留易
輜由間道而去提點何德猷相追不及以詩見
寄云斷橋截鎧亦堪憐始信林間別有天微見
兵機第一義朱輜暫席廣文壇因次其韻
誤辱番易士庶憐閉門不許出朝天門間行雖乏相如
璧得句全勝子敬壇

同官酌別

無德於民愧冠帽斷橋留我荷番人同僚送別四十里
滿酌不辭三數巡

途中寄何德獻

邂逅江湖兩白頭公方東駕我西游韓張呼酒情雖重
孔李通家好未修慶翔詩高魏提點秋香賦愧范饒州
驛筒從此相來往別後何妨却倡酬范文正公守饒時
二公甚相得文正改知潤州魏作慶翔堂栽花詩寄之
文公嘗為魏作秋香亭賦

宿何山孫氏竹軒觀張安國題壁因用其韵

往來真箇及瓜期去來皆七月見竹還思種竹時郡坐種竹今日
賦詩添舊集明朝不是楚東詩

望庐山懷番易同官

五峯亭上同登日遥望庐山在杳冥今日庐山真滿眼
回頭却望五峯亭

夢觀八陣圖是夜宿章田

易任夔子国身猶在重湖夢竟輒先往臨江觀陣圖
才盖三国壯志吞兩都惜哉功不遂英雄為歎歎胡為
恍惚間微茫見規模清時耻談兵武侯其戲予

讀喻叔奇送行六詩

番易同事九十日尊酒相呼恨不多送別六詩二似杜
絕勝劉子竹枝歌

都昌道中望庐山思故鄉

肩輿終日在山間忽見庐山憶雁山我亦無心入蓮社
願隨征雁及秋還

過五柳灣

出守江湖日念還又扶衰病入巴山不能早作歸田計
愧過淵明五柳灣

宿栖真寺

林間古刹號栖真高躅難尋晉宋人我正迷途倦奔走
何繇來向此栖身

懷番易士民

來去番易各有因却疑行止亦由人此心可鑒惟天日
公論難欺有士民

觀淵畫像

蕭洒風姿太絕塵寓形宇內任天真絃歌只用八十日
便作田園歸去人

題翠軒

淵明舊隱名棲真中有栖真閑道人庐山咫尺脚不到
開軒種竹清且新我到山中越三宿似與道人緣分熟
皇恩若許歸故鄉拭眼重來看修竹

寓栖真四宿時二兒寓上庠未知去留又祠命
未下頗以為懷

白帝知何處黃山且少留地名上心慙陶靜節政愧范
饒州乘下越三宿江邊將半秋家書及祠命何日解吾
憂

望大孤山

湖口羅家渡中流見大孤山世俗以孤為姑以澎浪

為彭郎遂有小姑嫁彭郎之語東坡戲見于詩番易
有童子渡、頭有小山如冢世傳為九女冢見于畱
經其事甚怪蓋亦世俗流傳之訛遂以二渡所見戲
成一詩

番易古渡留遺冢湖口烟鬟露淡粧九女何由從童子
兩姑那肯嫁彭郎

題湖口驛

芦花洲渚江人邦我来把酒臨西牕五祖六祖山照眼
清流濁流水同江孤山大小各嶄絕鍾石上下相春撞
千帆出沒烟雨裏何如鷗鷺飛双双

至江州

遙與齊侯會江人故国存夷吾嗟不見北望是中原

和叔音見寄

荔子黄甘豈不香二物夔州所出路經九折歎王陽羨
君松竹吟哦處橘在懷中母在堂

讀趙果州詩名不拙時為江州添倅

眉宇曾襟兩不塵唾成珠玉更清新惜哉不使蘇仙
見題品寧先趙德麟

讀王文正遺事

太平宰相王文正盛德真宜有子孫舊国今餘幾喬木
三槐陰滿宋乾坤

題庾樓呈唐守立夫

遙望香炉氣欲烟坐觀湓浦浪春天山川滿目古今迹
雲水千帆名利舫万點白鷗家浩渺一声赤壁醉婵娟
糖餠歌詩篇細讀張耘叟倚遍闌干思黯然

宿太平興國宮

此來端不為行春地名行春亭有欲向庐山訪隱淪
聖主如容食祠祿願為主管太平人

九天使者號真王聖治峯前古道場五百年間 聖君

出太平治効過明皇自開元至今蓋五百年

宿東林贈然老

儒服方袍兩禿翁兩家元是一家風歸田我欲效元亮
結社師真如遠公雁蕩此生看未足虎溪一笑偶然同

清風明月处处共寧間江西与浙東

白公草堂

庐阜双林寺炉峯幾辨香日烘烟嬾紫散為白公堂

蓮社

淵明修靜不談禪孔老門中各自賢送別虎溪三笑後
白蓮流水兩淒然

題東林聰明泉

遠公白蓮社旁有聰明泉飲此誰聰明社中十八賢堯
舜不曾飲聰明本諸天我輩雖飲之聰明不加前為愛
此水清一酌滌塵緣却恐愚此水愚名自今傳

游圓通

夾徑森鬱老松烟霞深处忽聞鍾虎溪水隔侯溪水
馬耳峯聯石耳峯遺像入猶思後主李後主功德院有
開山僧不畏先鋒僧言曹先鋒翰下江州明朝杖屨山
南去噴沫飛流看玉龍

贈訥老

路入侯溪无故侯梵王祠宇占清幽語言文字真吾病
喜共維摩大士游

題至樂亭

雙閣壯緇林一亭餘古屋庭垂祖師栢風動禪房竹山
禽語畫寂岩花吐秋馥此樂本來無行人慕幽獨
石散山形在知有假山石配池乾水意存游心山水

外至樂不容言

勝書記蜀僧也和予游玄通一詩用贈訥老韵

酬

未向夔門訪武侯禪房杖屨謾通函題詩况有詩僧和
深喜庐山得勝游

次韵唐立夫以日者命状見寄

天下名山欲徧看未能高卧愧陳搏山人誤說潛夫命
只慕冥鴻不慕官唐詩云試把流年子細看休將鵝雁

作好

趙果州致羊酒走筆戲酬

十日庐山游蔬腸作雷鳴對食有長鉢論文無麴生清

淨似齋戒遲留欲修行
翩佳公子憐我厭烹魚酒
致遠意詩篇慰西征
薑新微帶糟鮓美香流
罌今宵羊踏園竟夢定
須驚回首白蓮社姑作
陶淵明

題訥菴

圓通訥老以訥名菴題是菴者多用禪語予以儒說
證之

休論摩詰与文殊試把菴名扣大儒君子於言端欲詰
賢人終日只如愚樂山自昔称仁者利口由来惡畜夫
聽法双峯空聳耳老禪惟要一言無石馬可圓通二

題康王觀

趣在烟霞世味輕天將后早耐西征且須細看康王谷

未用遙尋白帝城星子地分天上宿谷簷泉占酒中名
凌雲仙客知多少肯向風波世路行有凌雲

湯泉

占得乾坤造化炉地中沸出巧工夫泉猶自作炎涼態
休說衆生垢有无

宿歸宗寺

好山无数不知名路入禪林氣更清岩石有時開鏡面
鑑溪流入夜作鸞声鑑臨池墨客餘風韵寺本正右軍
拭眼高僧避寵榮安得清風生兩腋紫霄峰頂望寰瀛

簡寄觀

陸修靜道場

縈透草徑少人行忽有黃冠洞口迎自咲荒蕪陶靜節

更尋簡宗陸先生朝真惟有壇前石流水猶餘絃上声
欲听全雞上金闕紫霄峰際白雲橫陸先生善鼓琴觀
有朝真石鐘經

齊皆山名

游開先寺觀香炉瀑布諸峯讀李蘇二仙詩知
庐山之勝在是記以十韵

庐山何處好勝地有開先瀑布漱寒玉漱玉香炉生紫

烟香炉紫霄長近日紫霄黄石不知年紫石雁蕩灵湫

合翻兩鄩城宝剑連雙劍龜行似朝斗新龜鶴欲冲

天鳴鶴馬尾只自洗馬尾牛頭奚用穿許頭維詞惟大

白妙句更蘇仙寺占星流處星子橋飛月出邊碑方闕

華藏華藏院先夢已到栖賢明日游三峡歸心定决

然愈易任變子方力巧祠聞三峡之名

游万杉院

誰栽沙苑千株柳爭似庐山万本杉如欲歲寒長不改

更栽松柏滿幽岩

庐山三百六十所長有神光照万杉借問山中有何宝

仁宗飛白字非凡

一水遥分瀑布餘万杉深处散明珠不知散却珠多少

能買人間富貴無散珠亭

飛橋

讀東坡漱玉亭詩至月出飛橋東句想像佳境有跳
入清冷中之興予至開先新橋適成因書一絕

蘇仙詩裏見飛橋欲看虹霓踏玉腰我到山中始見揚輝有月印青霄

三峽橋

三峽橋邊杖屨游此身疑已到夔州題詩欲比真三峽深媿詞源不倒流
灩澦瞿塘在眼前便應從此上青天秋風脫葉新流疑是十帆出峽舡

五老峯

投老山林具已濃庐山欣与老人逢定須容我來同老五老峯邊更有峰

玉淵

誰決銀河落半天飛流濺沫五峯前山中沙木皆光潤知有含輝玉在淵

宿栖賢

瀑水聲中夜不眠星河影動半秋天誰云灩澦瞿唐遠只在洋瀾左蠡邊師子吼成方外法獅子石人參得定中禪石人住山五老知今古借問曾栖幾箇賢

游楞伽

泚水穿雲一徑迳朱砂峯下訪僧居鳥鳴蟬噪更幽處中有人藏万卷書李公擇藏
老僧元不服朱砂境靜心灰壽自遐
房阜招提三百所只餘折柱与楞伽有僧年八十一言庐山諸刹惟楞伽折柱不遭焚毀

藏書閣在已无書山色依然滿舊居留得婦人三墨竹
金鍾聲裏尚扶踈鍾樓有李夫人墨竹公擇女兄山公母也

游南山入康谷以不觀谷簾泉為恨南康李守
致上尊乃此泉名也戲成一絕

不飲谷簾山下水徒觀瀑布下長川使君破我存山恨
酒寄人間第一泉

石鏡溪

山中有鏡石為臺雲霧深藏未肯開別有一溪清似鏡
不須人為拂塵埃

庐山紀游四十韵

我性好山水思向庐山庐五老招我游有約芝山初

行適所願孰曰非天与入眼庾公樓興已先藍輿雲開

聖治峯石扣仙人居黠潏鞞烟嶂有香炉望烟靄淨社

觀芙蓉虎溪聊自笑天池步宜紆天也家高半月圓通

畱幽亭樂有餘寺有至樂亭趣如六一翁境侶山環滁侯溪

煮月泉石耳供岩蔬峯以生石破戒戲魚酒踏園夢羊

猪賢関得家音二况時在太李天恩拜新除抗章復辭

免前辭夔州對行色仍躊躇遂作南山游首過荆林虛凌

雲入康谷臨流清可漁飲第一水山深足趣起湯泉

本何來忽從龍口嘘鸞溪尋故家瑞宗詩本墨沼波猶

滴石鏡不可見懸崖照誰梳尋真到簡寂入觀驚丘墟

緬懷黃与陸何処飄霞裾有黃石公岩觀今荒廢眼明

見飛瀑澗壑鳴瓊瑤何落句思李練飛詩陋儒新橋跨
虹霓出月明蟾蜍兩州芳五馬同日傳雙魚至開先得
南康神光照萬杉飛白留天書遙瞻星子城青山點春
鋤我行未及西三峽知何如登橋閱天險奮地轟雷車
壯哉五丁力鑿此千尺渠群峯列蒼老深淵蓄璫珣羗
羗峯及三峽五古刹依朱砂穿林駭猿狙楞伽在朱砂
羗峯在衲賢萬卷已空閣三竹猶扶踈肩輿足齒卒傳詩
手疲胥佳境尚無窮雅興良已擲身隨禽往還興逐雲
卷舒重尋訥菴老細論無言予節物變炎涼遲留費居
諸在路何悠二歸夢頗遠一秋風雁還蕩緘封寄鄉閭
歸宗樞老言庐山有對云簡寂觀中甜苦筭歸

宗寺裏淡鹹壑予因以湯泉石鏡戲成一絕

參禪得味鹹壑淡學道忘憂苦筭甜石鏡與時為顯晦
湯泉涉世有涼炎

開先僧贈石菖蒲

結根拳石伴孤僧對我還同近眼青莫遣塵埃侵九節
會須重作玉衡星

別庐山

山北山南已徧游又移行李向西州身如孟子論行止
心愧淵明任去雷峯頂今宵應好月人間明日是中秋
天池一塔遙相送深喜浮雲為我收

題天華院

游徧庐山寺茲山亦自佳數宵緣石耳一飯為天華

中秋宿灤溪驛瑞昌縣

半月游庐早中秋宿灤溪祠尋元子隱既歐山樹認赤烏栖吳赤地所坐待雲開月行愁雨作泥番人應話我身在九江西

浪士旧游处猿人今两宵赤烏曾紀瑞銀杏敢興妖蟻籜新娟傑否木甚古照眼水名灤回頭山憶堯番山有男兒四方志寧憚蜀天遥

瑞昌李宰贈元次山集

蒼然山色冷然声次山之文讀可驚令君贈我有深意欲以漫浪更吾名我雖有官真漫耳誰遣雙門称刺史

門卷欣逢子元子尤愛清冷灤溪水

中秋思鄉用灤溪韵

今夜中秋月還應滿故溪遥知千里共深羨一枝拙歲月飄如夢年時醉侶淚可憐佳節裏兄弟各東西

宿多福院

古刹名多福初來宿上方蜂窠懸敗壁燕壘滿空梁蝙蝠沸盈室塵埃堆滿床香燒數炷柏移下小僧房

昨日飯金城觀今日飯石田驛

城縱是金非願得田雖有石尚堪耕欲随秋雁蕩中去却向杜鵑啼处行

瑞昌永興道中作瑞昌屬江州永興屬岳陽

蜀道青天手未摩有輿從此上危坡過瑞昌縣教里有
易三山永城朝過路方永永城驛名在多福夜眠僧不
多岡畔涯深愁欲雨渡頭舟小喜無波黃岡橋為水所
青山滿眼森高木正為人稀免斧柯

宿真如寺

在吳國水南山名瀑泉有

御書閣

迢迢脩嶺踏朱紅朱嶺紅林壑深藏古梵宮一閣摩雲鏤

宸翰神光長照大江東

白帝孤城在何許遙想西風急砧杵我行初至瀑泉出
御書閣下眠秋雨

至吳國軍

舟中作

一宿真如飲瀑泉鍾聲催上渡頭舡渡名南時夜來一

雨湖光好擬把窮愁洗富川

近涵州郭遠連天明月清風不計錢欲比西湖及西子
品題湏喚旧蘇仙

題懷坡閣贈王景文名質

窮途喜見富川波已竟茲行所得多抗穎西湖堪鼎足
薰懷六一与東坡

眼中十里是烟波天遣江山助子多自是玉堂揮翰手
不應此処久懷坡

贈陶永州名去泰

雲作愁天風怒號遙瞻白帝夢猶勞口吟太白路難蜀
心慕困明人遇陶富水已厭家食父陶本黃州人浯溪

行看石崖高人生五馬何曾貴堪嘆相逢各二毛

次韵王景文贈行四絕

聖主龍飛白首郎誤蒙親擢與南牀言多妄豈汲長孺
心不敢邪蘇世長

天涯行客正悲秋向向鶻孫愁
愁歎辭歸山歌聽竹枝劉刺史詩懷慶朔范饒州

吾道從來自不孤果蒙好語慰榛蕪孜孜相勉惟名節
官職何須校有无

君年方壯我顏蒼敢以宗盟論雁行孝子忠臣公論在
送行詩似少陵章

題謀野堂

吳國江山似杭之西湖謀野堂在州宅富於觀覽予

赴夔門張使君開燕登堂賦詩張名采

滿目江山富一堂公餘身在水雲鄉遙岑更作有无色
西子為誰濃淡粧荷有香能清燕寢纓无塵可濯滄浪
使君坐此謀何事境靜心清百慮忘

聞詩聞禮不赴秋試以七月二十五日離太李

八月二十六日至吳國軍喜其來也因作是詩
不將蝸角与人爭走侍双親蜀道行免為家書憂子美
飽聞情話悅困明一名所得知多少万事真且審重輕
更願相隨且歸去田園薄有要同耕

途中遇雨

夜宿佛圖市曉穿山障中泥愁行滑雨厭落濛晚
稻短長熟野花深淺紅江西又湖北馬首幾時東

宿大冶縣

隔岸呼舟子湖山日欲曛人家數點火風物一川雲小
渡漁人占中流縣界分秋深山驛冷蕭瑟夜深聞

東方寺漢陳方朔隱居之所唐僧智印師道場

大冶迢迢接武昌西征踰月到東方白蓮智印蟠桃朔
仙佛同歸一道場

宋武帝廟在大冶縣鉄山

規模仍舊晉皇坤遺恨于今失所尊廟食鉄山精爽在
鑄兵思欲定中原

宿武昌縣

行盡江西路初乘湖北舟荒城嘆權皓孫權及皓賢令

惜韓歐韓退之歐陽公漫浪無元叟崢嶸有故

洲神仙雪堂客幾度絕江游

游西山寺

好山遺恨恐他年冒雨登臨興浩然避暑離宮閔吳主

本吳王橫舟巨浪壯蘇仙秋声蕭瑟松風閣岩乳清冷

菩薩泉山半有亭名可易漫郎尤惡曲并圓山腰有九

遇雨兩宿縣驛

絕巘笙簫斷鄰州鼓角聞江淮兩岸雨吳楚一天雲有

驛聊堪憇无尊亦自欣西山逢老宿往事說三分

吳大帝廟澈按樂宮也樊山郎山形如八字鄂
樊山八字形長在漢鼎三分國盡墟安樂故宮猶高食
遺民時薦武昌魚

望黃州

肩輿方松嶺鼓楫芦花洲忽見江上山人言是黃州懷
人望雪堂讀記思竹樓二豪不復見大江自東流

過樊口

短棹經樊口高人憶漫郎杯湖誰復泛退谷自深歲郭
渚風烟接吳宮草樹荒遺音聞八曲大小兩回傍

宿華容寺

古刹何年有傳聞正觀初藥痊明主疾鼠福梵王庐帝

賜褒嘉札以土神覬武晉吉利書殿柱有相傳以吉利
馱殘僧三四輩朝莫自鍾魚

朝離華容莫宿孟橋小店甚陋得莫漕子蒙書
以八百料舡見借遂可鼓楫而西矣

曉發華容寺雲開鄂渚天秋深餘晚稻地曠關管田草
市魚多骨荒村店有烟計臺書報我已具濟川舡
至鄂渚泊報恩寺

跋涉經江夏悲涼忽莫秋雨登羅漢閣詩有五百羅漢
醉上庾公樓諸公風急將吹帽江寒更泛
舟川塗元不隔歸夢到東甌

題一覽亭在漕臺後山

危亭頂鄂渚欲上初不敢肩輿躡崢嶸眼界驚坎窞青
山繚江湖烟雨抹濃淡千帆破滄浪萬室昭菡萏大澤
甸可吞秀色手宜攬形勢控上游天險卦侷坎登臨迫
吹帽秋聲在葭莢銜杯情有欣懷古意多感兩雄孫与
刘壯志鯨鵬噉赤壁走阿瞞功業炳鈿輶黃鶴去何之
灵竹色猶慘樓餘庾公吳洲遺正平憾北望日中原激
裂壯士膽何由登太山一快天下覽蘇軾之滄海有題在
併造周翰与刘倫
力敗曹公于是

莫漕以尊羹薦杯

蕭瑟秋風送雁回夢兔終夜遶簫臺年家知我鄉心切
斫鱠羹薦薦酒杯

梅溪先生後集卷第十一

詩

九日懷故鄉

天涯行客倍傷悲鄂渚登高帽欲吹遙想弟兄行處樂
幾人同把菊花枝

登壓雲亭贈趙都統搏

早將忠義立殊勳鄂渚登臨氣壓雲異日雲臺觀畫像
要須壓盡漢將軍

九日倍諸公登高

鄂渚逢重九登高客竟黯白菊泛壺觴青山滿欄檻詩
隨眼界添酒逐年華減回頭望楚東半雨花思范正文

潘易詩

雨黃花秋賞俸去年九日在潘易故思之鄂

日解舟晚泊江口望鄂渚漢陽

繫纜

口斜陽照兩州山遙瞻大別渚遠認南樓漁

解家

江神廟柳州江頭有神祠文通送別處春恨

可如

文通別賦送君南浦傷如秋為客悲又鄂渚

纜南浦初泝長江江流出鄂渚漢陽兩山之

雲靄橫之如一山然

解纜

長江口回頭思黯然封疆一川隔烟靄兩州連水

鳥飛泐渚江豚躍傍舡好風知幾葉送我上青天

過金口市江中有渚名鯉魚甲渚上有芦花連

日遇逆風舟以寸進挽舟者行芦中成四絕

江山滿眼似相迎一闕人烟問地名舟過已經金口市

水流應到石頭城

鯉魚甲露江中渚芦荻花浮渚上霜檣影落江疑是釣

巨鱗驚躍鷺鷥飛忙

長江十里渺連空送水那堪更送風定是江神憐遠去

欲吹舡轉浙江東

江神不借一帆風急水難收寸進功欹枕高眠真有媿

挽舟人在荻花中

食蝦

江上秋風起鮪尊正憶家舟行良不惡日吹小魚蝦

宿通濟口

千里長江險舟行夢亦驚轉磯憂浪急入施喜波平秋
老天猶燠宵長月自明洋通潯水何日濟歸程

芦花

悲秋已過黃花節照眼渾疑白帝城更類吾家子猷棹
飄然乘興雪中行

芦花兩岸風蕭瑟渺渺烟波潯秋日鷗鷺家深不見人
小舟忽自花中出

夜宿思湖口整纜芦葦間夜半聞叢中有聲舟
人驚起終夕為之不寐

老境殘秋路入荆眼中何物不閑情芦花間蓼紅依白
江水歸湖濁帶清狐兔叢深應自賀魚龍穴淺已相驚

扁舟夜宿無人境展轉无眠到五更

舟中作

竟日舟行无一家无邊眼界只芦花中知有雁多少
為我傳書到永嘉

漢水

方城以為城漢水以為池橫行江漢間楚子滅諸姬問
鼎輕周室爭盟會淮夷子孫世有國地大先王時封疆
六千里俛首為秦雌虎狼不可親前後幾見欺始隨張
儀計卒至王翦師西風吹黃芦疑是騷人悲

宿夏郡口

夜宿古夏口時維季秋半江湖猶未落烟水渺无岸左

公昔屯兵仲謀方斫案助成赤壁勝坐使老賊竄壯志
寧下人借地聊取亂蛟龍得雲雨鼎足王蜀漢英雄不
復見江水空汗漫

九月十五夜

九月十五夜前年居故鄉雞黍修故事兄弟自范張豈
知今年秋扁舟葭葦傍三日無人烟雨細風悲涼澆愁
一杯酒苦語生悲腸

宿高牙

牢落楚天涯夔門路尚賒落帆驚宿鷺弭榜傍栖鴉
千柳風伯聲喧枕漁人水浸家江神阻行色非是恋
高牙兩宿

三姊之葬在九月而不得其日十五日讀坡詩
至英公燎須事不覓悲涕是日辛酉得非葬日
邪詩以寓哀

先人六兒女姊長孝且慈德泐命不泐哀哉止於斯莫
年失愛子哭泣髮成絲年纔五十七一病不可醫姊死
我在傍姊葬吾不知初聞卜九月不得日與時巧祠既
不遂臨穴竟无期日月為我昏風雨為我悲宦游何所
得抱恨渺无涯尚餘英公須未作子厚碑謀微作墓便
當回雁蕩那忍過秭歸秭歸縣在歸州有屈原故宅原
日女須亦歸喻令自寬離騷所謂女須之
嬋媛為是也裴崧以為姊歸之名始於此

買魚行

九月既望舟遇風不敢行魚肉果蔬之味俱无粮亦
幾絕日莫聞謹諫声有小舟破浪而來賣紅益魚及
鮓舟人爭買之予亦買以薦杯因作買魚行示聞詩
聞禮

風伯一怒声如雷排空濁浪山崔嵬江湖千里人影絕
一葉小舟何處來芦荻花中有漁者蓑笠為衣楫為馬
止將烟水作生涯紅翅益魚荷裹鮓舟人爭買不論錢
我亦聊將薦杯竿烹庖入坐氣微鯉釘飯登盤色如赭
但能得趣酒杯中也勝彈鋏人門下君不見仲尼魚釜
則不食陳蔡面猶含菜色又不見退之欲飽東海鯨馬
知家有啼飢声我居江鄉厭海味今日魚蝦八珍貴朱

門日與費万錢未必一生常適意尔曹異日宦西東一
飯安得如今同寄鮓不須勞孟宗但願清白傳家風我
將歸結雞豚社不用擊鮮如陸賈但願年豐魚米賤欣
然醉飽同天下

過八疊有小舟賣蝦是日風便但江岸紫迂疾
徐相半

舟經八疊疾还徐帆便風高水自迂要与翹生談妙理
試呼漁父買長須

過三义 在玉沙縣界

派別從金口江行過玉沙風灣迂八疊烟渚會三义柳
老餘春色尊空負月華端如退之語江遠共葦葭

泛泛江漢水

鄂渚上荊州泛泛江漢水縈迂知幾曲蕭瑟非一葦鄉
心秋色中旅思詩篇裏雲安在何處落日天

是邊

宿網步時已入夜猶行舟忽聞犬聲知有人家
孤燈一點蓋漁舍也是夕有月不飲

網步知何處維舟日已昏孤燈耿漁舍一犬吠江村問
境欣名復離羶歸心幾到溫遙天有明月惜不照金尊

過畢家池有姓陳者送香橙八顆云有子在太
李名景初有佛舍額曰永固院臨水而門閉有

神祠云江南吳王廟必孫氏也

甕間吏部姓名池僧舍人家傍水涯黍熟稻香俱可飯

橙黃橘綠家宜詩

江上人知我姓名枝頭手自摘香橙一盤來致殷勤意
懷有兒為太孛生

江東英傑旧孫郎遺烈于今尚未忘猶有神祠枕流水
一間茅屋作昭王

晚過沙灘有漁卒網得鱖魚二百餘頭橙桔正
青黃以百錢買桔得十六顆比鄉里小差而味

酸

漁人生計占沙洲一網鱖魚二百頭魚未到家人買盡
明朝一網更盈舟

地近荊州見木奴青黃照眼兩三株百錢買得霜前顆

味帶儒酸似老夫

晚來諸卒競歡呼
采得香粳一斗餘
拾荻為薪煮江水
就缸沽酒喫鱖魚

舟中懷番易趙倅公懋及諸同官用九日登高韻

君如別駕寵我媿
淮陽黯番水偶同僚
江樓屢憑檻感
秋悲思多惜別剛
腸減夔門嘯與諾
安得對岑范

宿紫微在監利縣界

高柳何人舍孤灯
此夜舟遙從白帝
去少為紫微留

二十一日至福田院留建聖節

魏闕回頭遠夔門
去路長
万年天子壽
一瓣福田香

小院藏脩竹柴門傍
曲江繫舟楊柳岸
詩句落僧窻

宿金雞渡

曉起雞未鳴
晚宿雞鳴渡
雞鳴又還起
扁舟觸烟霧
不作田文奔
不効劉琨舞
牧之慕舜徒
去之官夔府

宿王家村

舟行湖北路千里
家在浙東天一涯
宿處問名同住外
梅花不見之
芦花

扁舟何日到夔州
已泛荆湖半月舡
誤喜地名同故里
欲尋鄰舍竟茫然

王家又向此名村
只欠青山侶
左原滿眼黃茅
仍白草
荒蕪疑是我田園

讀楚東倡訓集寄洪景庐王嘉叟

預恐吾儕有別離
急忙刊得倡訓詩
江東渭北何曾隔
開卷无非見面時

寄題番易一江亭

一江明月夜歸遲
蕭洒空中小范詩
亭自我名猶未賞
夢游江靜月明時

早至曾家泐復入大江見石首山

入由通濟口出自魯家泐
半月良已勞大江
離又復濛濛
烟雨中兩岸漁人屋
遙山瞻石首鄉味思海族
吾鄉魚秋冬間家多魚中上品也

舟中記所見

不向三苗境上過
岳州三此身端怯洞庭波
浪翁未免教才戲
漁父時為欸乃歌
虫喜年豐頻擣米
鳥憂沙漲自淘河
轉洵河可无好处如鄉里
摘綠橙黃恨不多

二十五日先妣遠忌祭于舟中

有遺嗟無母舟中遇
忌辰魚蔬當血食
橙桔薦時新
家比去年遠囊如旧日
貧白岩山下冢
歸掃擬新春

夜宿下沙步有小浦
藏舟于口惧有風也
是夜浪忽作声如潮
舟為之撼如是者三
舟人驚惧初謂有風
起視則天籟不號
星月皎然篙工云
江中畏炮炙鄰舟有
煎油者岸圯而浪生
曉視

之果有圯処或云鼃鼃之属因記之

疑向錢塘宿潮頭夜半声油煎江岸圯舟撼夢魂驚浪
白鼃鼃吐風芦葦生江神不遷怒頃刻為吾平

天晴風順舟行過石首縣宿刘郎汭

殘日照荆江晨曦浴暘谷雲收瘦山腰風順飽帆腹微
茫見石首俄頃過吾目方茲驚洶湧何敢求迅速快意
固可喜遲鈍或為福風乎亦難矣去順來者讚江神豈
世情吾亦不私祝

予自鄂渚登舟近兩旬得順風繞二日耳高牙
遇風雨雷兩日既而得順風過八疊江流迂曲
疾徐相半二十六日風融甚方快之謂公安可

一日到也明山如故江與風背浪洶涌停舟不
行復用前韵

我欲効元子漫浪居退谷不效楚大夫醒清奔魚腹前

非恋高牙今豈嗜湖目泊舟也兩旬非不遲一日靡容速

直為退之規癖詩此規正寧觀塞翁福未易論乘除不

須生怨讚江水照吾心宜將正辭祝加人多笑紙錢邪

并讀楚東集用前韵寄景盧嘉叟

二子聰明曠與離一尊容我与論詩待將後集從前刻
直到番易送別時

寇萊公祠公安

油水江頭寇祠凜然如坐廟堂時精忠一點不負國

枯竹知公人不知

宿黃壇

江口維舟問地名黯然捺我故鄉情
平時尚怯黃壇嶺誰遣遙臨白帝城
家之南有黃壇

讀于公堂記寄孫錄聰伯

于公治獄多陰德温靖居朝止肉刑
番水同僚温靖後于公堂記有芬馨

十月四日宿于沙市舟中倦簾忽見新月天色

如水鄉思淒然得詩一聯云詩成天作紙簾捲

月為鈎連夕燭有花至六日家書來自臨安足

成一篇寄二弟

今夕果何夕章華臺畔舟詩成天作紙簾捲月為鈎蠟
炬知何喜鄉心未免憂家書隨雁足兩月到荊州

初九日離南用夔州舡

扁舟經月泝江流又向江陵換蜀舟腸斷一声离岸櫓
不堪回首仲宣樓

過虎牙

天遣西來亦大奇眼中渾是少陵詩虎牙銅柱為我好
却勝先生出峽時

至峽州登至喜亭謁歐公祠

曾於慶朔親祠范又向夷陵敬拜歐昔日四賢今見兩
慨然遐想旧風流

爾雅臺

隱迹江山郭景純郢南有郭道學兼儒技術通神岳
魚草木歸箋注何害其為磊落人

楚塞樓黃魯直名

楚國封疆六千里荆門岩壘十二背去峽州四十里有荆門山峯壘連延
十二背門南標銅柱北虎牙杜詩虎牙銅柱皆頂荆門
險城邊古西塞天州補城有江山如故名尚存形勢雖強回
何在水流三峽元古今月照孤城幾與廢吳蜀英雄空
戰爭屈宋風騷謾悲慨但願時清塞不塵漢上芳尊日
相對

夷夷陵移舟至水西將遵陸霧甚咫尺不辨舟

人失津退數里遇渡舡引而至岸有山在蒙籠
中乃觀音臺也過姜詩村飯士門鋪晚宿油榨
有山名四面頗佳

至喜亭前曉霧迷搗声离岸眩東西疑游神女行雲峽
忽到姜詩躍鯉溪午飯釋亭同尊食夜眠村店類雞栖
眼中四面青山好從此登天路不低

飯桃花鋪宿覆盆

路入桃花桃未花碧溪流水兩三家何年路接人間世
定是漁人婦去誇

身在藍輿不自安更勞牽挽上天門山中亦有人間月
今夜應須照覆盆有輿登高山以繩牽挽危甚

上大望州鑛天三

身到猿啼百尺頭
如尺更言前有鶴孫愁
試於大望山頭望
見人問是峽州

豆子山前火墨溪
迢迢一嶺與天齊
肉身安得鑛天手
肝膽崔嵬自作梯

宿千石聞誦書聲

一嶺鑛天到此平
夜眠聽得誦書聲
莫言此地名千石
萬石它年或可名

枕上聞鼓角

五更枕上夢還醒
初听夔州鼓角聲
悲壯端如少陵語
它時送我更多情

過九盤嶺

水不經三峽山猶過
九盤數家修竹裏
堪入畫圖看

飯周平鋪南北山
峯巒皆奇有佛頂
峯鯉魚岩

羅漢洞又曰仙說者謂類巫山
遇雨為雲霧所蔽不盡見

未見巫山十二峯
人言山與此山同
定知神女藏深處
正在朝雲暮雨中

至歸州宿報恩寺

終夜江聲枕上喧
子規未叫已銷魂
身乘筆路思熊繹
詞誦離騷吊屈原
城邑舊為夔子國
民人多是楚王孫
誤恩分閭方畷報
宿處那堪是報恩

題屈原廟

自古皆有死先生死忠清故宅秭歸江前山熊繹城眷
言懷此都不比異姓卿六經變離騷日月爭光明

過秭歸

晚日寒天過秭歸江山點々上愁眉况經宋玉悲秋裏
不獨秋悲冬亦悲宋玉宅今為秭歸縣治

二十四日視帥印于歸大拽鋪

大拽名何壯孤峯勢更巍拜恩羅吏卒列炬照烟霏分
闡來魚復懷鄉過秭歸石門觀峽水東注疾如飛

宿巴東縣懷寇忠愍

製錦工夫早不同至今人道寇巴東海淵一段奇功業

可在孤舟野水中

堂前双栢今何在渡口孤舟依舊橫不似公安插竹處

凜然容貌尚如生比過公安謁萊公祠蓋枯竹再生也巴東祠廢可謂缺典因成一絕以示邑官

示邑官

初入巫山界登羅護関雲霧晦冥默禱之因成一絕

西來水陸徭艱辛祇為君恩不為身為向巫山神女

道莫將雲霧惱行人

霧開復成一絕

関登羅護飯郵亭雲霧迷人晝晦冥神女有灵呼即應
廓然山色為吾青

登得勝崗謁武安王闕雲長廟有泉一泓俗傳
謂兵至此无水拔刀刺地泉隨而湧廟西有磨
刀溪北有晒甲崖

得勝名崗蜀虎臣氣吞吳魏失防身磨刀晒甲遺蹤在
英魄猶能敵万人

霞障
過風口望巫峽岩嶂如雁山祥雲峯經行峽烟

十二巫山鎖白雲岩如雁蕩列江濱誰名雁蕩經行峽
定是經行峽裏人

登燕子坡前有一岩在江之旁如天台赤城名
鳥飛岩

坡名燕子燕思歸岩號鳥飛鳥倦飛雲本无心聊出岫
風緣有口故吹衣風口行雲皆巫山地名

巴東之西近江有夫子洞亦曰聖洞巫山縣有
孔子泉說者謂旱而祈則應泉旁之民雖童子
皆能書夫子胡為洞於此且有泉耶詩以辨之

夫子道不行嘗欲居九夷乘桴浮於海從者其為誰歷
聘嘗之荆豈亦將坤維有洞巴峽間人言幽更奇雲深
不可見奧處那容窺聖人肯巢仙茲名良可疑吾道其
非耶聊將友鹿麋巫山亦有泉可飲仍可祈泉旁都幾
家聰慧多奇兒父兄僅知教聖門皆可歸我來不及飲
清興隨泉飛寧比盜与貪聞名使人嗤禹穴會稽陰堯

山番江湄流傳雖失真未敢以為非曾人輕東家秦人
燔書詩茲俗聖夫子吾何敢夷之

自鄂渚至夔府途中記所見一百十韻

流火郡離饒悠々驛路迢黃華舟解鄂渺々大江遙壯
世_日晴_晴揚_揚帆_帆肩_肩弛_弛番_番人_人檐_檐是_是日_日曠_曠送_送身_身隨_隨楚_楚客_客撓
東_東旣_旣鄉_鄉夢_夢遠_遠南_南浦_浦別_別竟_竟銷_銷不_不過_過漢_漢陽_陽壘_壘猶_猶勞_勞郡_郡守_守輶_輶遠
山_山看_看八_八字_字古_古國_國避_避三_三苗_苗別_別水_水由_由通_通濟_濟羈_羈帆_帆渡_渡沉_沉滂_滂方_方隨
鷗_鷗浩_浩蕩_蕩俄_俄值_值雨_雨飄_飄颯_颯夾_夾岸_岸華_華疑_疑雪_雪春_春天_天浪_浪侶_侶潮_潮枝_枝袖_袖並
鳥_鳥鵲_鵲若_若宿_宿伴_伴鷓_鷓鴒_鴒旅_旅思_思憑_憑詩_詩遣_遣愁_愁腸_腸賴_賴酒_酒澆_澆无_无魚_魚不_不彈
缺_缺忘_忘味_味若_若聞_聞韶_韶孺_孺子_子滄_滄浪_浪曲_曲漁_漁人_人歎_歎乃_乃謠_謠迷_迷虛_虛音_音可_可喜
得_得雋_雋語_語同_同鷺_鷺秋_秋老_老江_江經_經夏_夏湖_湖平_平境_境過_過宵_宵夜_夜鳴_鳴疑_疑有_有虎_虎昏

吠喜聞獮遺俗懷吳主荒祠類楚昭巨鱗烹縮項白粲
柔長腰茅舍桔初熟江村楓未凋柳枝猶楚楚竹淚尚
思姚雨後禾收晚霜前麥見蕎風清玉沙界月吐紫微
宵一瓣香聞佛千齡壽祝堯沱潛終共道江漢訖同朝
渡口聽雞唱洲邊記鷺翹地名思故里詩句憶同僚塔
子瞻山色天門認斗杓航便河廣蓄風順若邪巖石首
欣相問劉郎似見招双帆方快意五兩忽狂颿誰弄黃
昏笛如聞赤壁簫孤烟為藕市一葉是漁舸江水澄泥
煮芦薪帶温燒夢回驚枕撼曉起覓風調蔬擷纔盈握
魚脯莫計艘橫波沉密網巨浪脫高跳紅想鄉醪滑黃
看野菊嬌左公城穴兔油口樹啣蜩水是蛟龍地葉餘

羽葆條竹由忠愍挿木自洞庭漂大士精藍壯將軍畫
像驍江空無戰艦水落有乘橈但織虫知徼洵河鳥受
徭風高喧過雁天濶戾飛鷗雲夢封疆遠荆衝氣象遼
建都曾王楚為郡自平蕭息壤那容盜章臺可戒驕韓
詩誇府大漢史志民僮燕集堂開祀笙歌樂舞道樓登
一日暇賦就百憂消落帽觀成阻游山只謾飄書隨鱗
出峽詩附翼還鄒南岸忽鳴槽滿艘仍豎標柘窓回鱗
蟻撲面集蟪蝻沙市人家遠方城草色萋食梨蘇賜渴
啜茗愈頭痛覆屋曾非在名村浪有蜜枝江縣羅因鼻
馬颺王喬百里環洲渚千家在葦蒼津鄉誰復禦松邑
已非僞漢景餘清爽臨江尚廟祧轉灘驚見石挽絳眩

飛芳澎湃声如擊玲瓏狀似雕松楸悲相冢香火靜僧
寮轉時宜都過橫雲楚塞喬虎牙端欲噬銅柱為誰標
月向夷陵看杯思太白邀文忠遺勁節精采凜生銷岩
白形如鵝魚黃狀類鮫邦人祀神禹郭璞當臯陶舟退
風飛鷗生浮旅泛藻鯉溪穿犖确牛峽隔岩堯孝起姜
村感音傳進足趨山家收芋栗土物貢薑椒澗水何曾
歇桃花未肯天覆盆鳴鹿友絕壁聚狐妖野媪頭纏白
行人背負鐐回看一州峽下視衆山么障日峯銜豆鑽
天石碍轆道逢懷刺襴卧听誦書龜被吟公孫布裘寒
季子貂猶堪耐冰雪未暇憶炎歊倦上九盤嶺重觀三
峽橋好峯名佛頂欲畫少僧繇照黑紛持火愁荒猛擊

刀流虹瞻魏闕瑞白慶清朝國壽絲箕翼皇岳奕誦到
歡声形戴白環視舞垂髻避涉憂如馬觀形怯類猫眼
經峽險心過秭歸焦熊繹山城古灵均廟貌惟
隨梗斷鄉思為梅撩境始臨夔府魂頓夢象削輕生甘
叱馭受物戒揚鑣帥闌分誠濫州麾把更僥拜恩羅吏
卒列炬散鳶鷄野渡水清淺孤舟人寂寥影防沙有蛩
音駭晝聞梟聖洞雲深鎖天池浪不搖林梢鳴烈々峯
頂洒灑々快靚天披霧愁曉夜滴蕉陽臺開愛日陰氣
廓玄枵六六盤初過三三界已超生朝念孤矢旅食分
簞瓢遐想賦風王敬瞻行雨瑶過閔寧有鬼及郭免逢
魑訪古尋詩史觀風入郡譙路難端可畏形後尚奚勞

行也知誰使官乎我亦聊欲廣刘与杜辞鄙甚芻蕘

梅溪先生後集卷第十一

梅溪先生後集卷第十二

詩

初到夔州

某甲申七月至饒州以表謝 上云雖才非太公不
能五月報政然忠猶杜甫未嘗一飯忘君既而與諸
公唱和有雙字韵詩果有易夔之命人以為識方力
巧祠夢觀八陣圖乙酉十一月朔至夔水落沙露宛
然在目所歷山川皆少陵詩中景物也因成一絕用
楚東韵

分甘易守不勞麾夢已先予到古夔識語端符楚東韵
忠懷雅合杜陵詩

查漕元章生日十一月望日

氣壓群陰首占陽生賢時節自非常十分天上月輪滿
一線人間日影長攬轡威名崖雪凜和羹消息嶺梅香
要知三峽无窮水便是詞源与壽觴

周漕行可和詩復用前韵并簡元章

重聞鳴鳳瑞岐陽不比清齋老太常帝里別离頭併白
夔門邂逅日初長詩篇照眼騰光艷蘭友傾心藹国香
天遣西來端有意要令我輩共壺觴

又用行可韵

二公海内姓名聞我亦追隨到蜀門龍卧店中嘆諸葛
蛙居坎底陋公孫雨听巫峽夢時滴花看杜鵑啼处

訓唱又成夔府集論文欣對少陵尊

行可再和用其韵以訓

孤陋書生寬見聞西來端欲掃儒門懷人久作周公夢
訪道欣聞孔子孫烟帽語書為愛民成再奏傳驤緝
事淚因憂国有双痕休論身世无窮事但願常陪北海
尊

又訓元章

叱馭西來媿子陽舊交重見白眉常傷心鬼錄人何短
懷熊馬回首蓬山話更長夔府並游容倚玉計臺高選輟
含香我非逸少君如謝聊繼蘭亭曲水觴

行可元章再賦二詩依韵以訓前篇寓二後篇

寓三

不學金仙李伯陽來從雄愈論天常毫鋒落紙一毫妙
詩艷驚人万丈長會見鷗鷺俱變化拾聞蘭菊各芬香
盍簪聯席論文酒却咲困明獨引觴

明得西南直諒聞同行宜入仲尼門交成一体慕龍友
政在諸家嗤魯孫雪唱紛紛騰天瑞詞源洵涌峽江痕
二公如月如太白我亦影隨同一尊

元章贈餘甘子用前韵

艸稟南方地近陽不隨凡果當家常端因坡句声名重
正類梅詩氣韵長東坡橄欖詩云待得餘甘回齒頰已
輪崖蜜十分甜與公讀梅至命詩云
其如食橄欖回頰已輸崖蜜味返魂終共雪芽香宋蘇

宜故入知我詩腸苦更贈蒲萄為薦觴

行可骨肉自西州來用門字韵替喜

連夕西臺咲語聞綵衣人戲綉衣門定知情話同元亮

不用詩篇寄抱孫果見灯花將喜事寧愁江竹染啼痕

世傳婦人詩云君看江上登堂濫作韓公客白首相逢

十載尊

吳參議和詩用前韵以酬名景偃已陵人

万傾波瀾瑩岳陽氣鍾人物亦非常為郎堪嘆馮唐老

治郡未施黃霸長吳史傳有詩吐錦腸多麗

高蓮幕有清香穆生醴酒周璆榻不是區區為

聞馬網復行舊路 聖主之恩諸公奏

也元章用前韵喜而知之 此三篇原缺

利博仁言亟奏聞恩光万里烛夔門網舡已免

人鮮棧道不應愁鵲孫鵲絲村落烟餘烟火

息斧斤痕坐看巴蜀回生意放我歡呼到酒尊

州縣有戒石飭官吏某至夔之初

詩以自警云

爾俸爾祿民膏脂下民易虐天難欺聖訓昭昭日月垂

刻石于庭勵官師臣庭堅字尤瓌奇

光堯宸翰增光輝坤維門戶州名夔庭前戒石

筆書微茫觀者疑太歲在酉嘉平時吉日丁亥刑

命工卒石少高之一新欄檻嚴護持銀鈎照眼光陸離

天威只尺顏不違虐民之事焉可為勿謂蒼々不吾知
与爾同僚共孜孜

出郊送虞叅政因游竹亭小飲與者九人

送客出西郊天氣為我佳穿林看修竹偶与群賢偕避

迢迢我願三杯寫幽懷向来濤与戎此樂何繇諧

立春

巫峽逢生日夔州見立春行年五十五羞作戴花人

寄刘侍郎韶美

流落天涯老病身歸心一點逐新春故人少借論思口

放我山林作散人

正月六日游磧呈行可元章

晴磧逢為馬臨流想卧龍江山供指顧尊俎奉從容峽
水淺還漲巫雲淡復濃天教我輩合莫惜罄金鍾

呈同官

樽前記得少陵詩好向江頭盡醉歸此日風光真可惜
古來樂事巧相違細看八陣圖猶在欲問三分迹已非
惟有年年古夔國竹枝聲裏日暉暉

買山夔山昔童子買山植木以庇之懼芻牧之

書生為郡亦迂哉剩買童山買木栽但遣牛羊勿踐履
它年定出棟梁材

給水夔以竹筒引水見于世詩以義泉名門則
給水夔昔之為州者不帶水而取錢也予始至
聞公庫歲以賣水予千餘緡給轄司亦如之予
以水給民慨后入廢之故作是詩

接筒引水下山陬端為夔民解有憂長使義泉名不斷
莫教人費一錢求

修壘夔城者勿它後隨壞而補則成常
固矣

莫將送旅視居官直作吾家活計看墻壁時時為修葺
安知勞苦是平安

種柳東至夔唐亞過社置凡十餘里種柳二千
種柳東至夔唐亞過社置凡十餘里種柳二千
厚詩但愧无惠化傳耳

滾水東西十里餘新栽楊柳二千株會有餘參天去
能侂甘棠勿翦無

江月亭二絕

長江何處水明月幾州天月与江無約相逢是偶然
江山今古幾英雄割地并吞總是空惟有江流不轉石
千秋長在月明中

登真武山

籃輿曉上小琳宮夔子江山指顧中道士手栽山上柏
身猶未老榦凌空

上元山中百姓出游作三章諭之

鄰里相呼入郡城巴歌楚舞沸歡声三宵游罷同歸去
勉力耕桑事父兄
三日嬉游喜遇晴还家又見麥青青但須及早輸租稅
莫要勾呼到訟庭

好去耕耘隴上田但能勤苦有豐年家々飽暖身康健
更向明年看月圓

題諸葛武侯祠

八陣高旁丞相祠風雲慘淡會當時功成豈止三分漢
才大非惟十倍丕渭上忽傳司馬走蜀中長起卧龍思
我来再拜瞻遺像淚滿襟如老杜詩

登詩史堂觀少陵畫像

万丈光芒筆有神兩眉猶帶旧酸辛殘杯不復随肥馬
賸馥端能巧後人夔子江頭吟処景杜鵑声裏拜時身
敬瞻遺像觀詩史一酌雲安翹米春

送參議吳郎中

扁舟西泝蜀江長
邂逅論交得老蒼
幕客可能淹杜甫
郎官誰復識馮唐
梅花開日方聯事
柳絮飛時遽趣裝
我過洞庭應有日
定須來掃蓋公堂

夔州祀社稷于州之西五里地不盈畝壇宇庫
陋垣壻頌圮非所以崇明祀也買地易路築屋
增壇命同僚董其事不踰月告成二月戊子祀

事既畢詩以記之

天下通祀惟社稷次則曰雨曰雷風勾龍與弃配土穀
是皆於民有大功古夔子國今會府其於明祀可不崇
西郊壇宇何太陋我忝守土責在躬廣而新之繫誰力
蓮幕花縣謀食同築垣旁近丹荔圃關路下壓黃冠官

地有松柏並可植時和黍稷行將豐夔門社稷宋社稷
願与天地同无窮

游卧龍山呈行可元章

我輩逢山眼即青卧龍頂上喜同登
留沙磧懷諸葛詩誦江濱憶少陵
巫峽雲飛天一握瞿唐魚化浪三層
俗謂瞿唐峽為龍門籃輿又向人間去回首林泉媿老僧

聞詩得男名之曰夔夔此二酉十二月十九日生
巫邑初傳鯉是日巫山吾家遂得夔遙來如馬地却應
夢熊詩聞詩在番陽日官忝二千石孫看第一枝欣同
君子抱祝汝伯吾兒

甘露降于宅堂竹間凡半月三經雨乃止州宅

有甘露堂昔周

侍郎為部露降焉易見山

堂以名之予無善政惧其為灾記以二絕

湛々下脩竹味如飴蜜甘人言此為瑞无德可能堪

竹間甘露日灑々飴蜜珠璣帶細香天閔變民歲飢饉

雨暘時若乃嘉祥

元章贈蘭

英英道山友贈我深林芳入室与俱化同心如此香紉
之可為佩不采庸何傷三復韓子操援琴鼓揚揚

卧龍山有武侯新祠再用前韵

山藏古寺柏青青地重端因蜀相登沙上不聞江轉石
人間幾見谷為陵龍蛇樹影搖千尺玉雪花枝吐万層

堪嘆中庐誰復顧凄然香火却依僧

寄書与二叔二弟

八十高年林下老四千餘里夢中家雲安双鯉随春水
為我傳書到永嘉

左原端是脊令原誰遣分飛到蜀門况是清明寒食候
杜鵑声裏断離魂

題卧龍山觀音泉呈行可元章

去歲游庐山社中觀白蓮不飲遠公酒聊酌聰明泉肩
輿過武昌乘興西山巔岩乳飲菩薩詩篇誦蘇仙西唱
有菩薩泉夔州苦无井瘿俗殊可憐竹筍候不乾可浣
不可煎日汲卧龍水屢賴檐夫肩所取都幾斛深煎未

投錢前日招提游入耳声消。泓澄可照膽中木皆光
妍却疑南陽人蟠螫清冷淵慘淡會風雲滂泥霖普天
源如少陵詞清入光芒篇餘波漲瞿唐洶涌吞百川何
人著水經漏此不及編道人出新茗林間手新研并以
夷齊心來結觀音緣至今清夜夢猶到幽亭邊交游况
離索回首成悽然元章移節西州何時鹿呦呦重訪山中禪前日吾將將至山中鹿鳴

元章贈筆戲成一絕

東臺使者妙詩文贈我中書四十君我不善書慚拜賜
中書今日遇將軍

再酬元章

一尊方喜細論文春中題詩又送君手握管言不盡詩
壇誰復將中軍

又卷行可

道造精微更有文絳侯應媿不如君試將武事論詩筆
句法嚴於細柳軍

訓行可惠白酒

渴懷思欲吸長江聞說西臺釀滿缸一斗青州白從事
忽隨詩句到蓬窓

同行可元章報恩寺行香登佛牙樓望勝已山
籃輿拂曉出東関鍾磬声聞杳靄間心欲報恩頻入院
人逢勝已更觀山竹香細細禪房靜江水渾々野渡閑

欲問漁人國與廢黃鸝隔葉語絲蠻

五月四日與同僚南樓觀競渡因成小詩四首

明日同行可元章登樓又成五首

蜀江險處是夔州灩澦堆邊看競舟為報番禺相識道

去年人在此登樓去五月四日會僚友于番江樓酒中分韻得月字云明年何處更登樓

望番禺江上月

臺前八陣已陳迹水底三閭何處招手把菖蒲對佳節

興來呼酒勸同僚

番禺夔子兩端午去歲人如今歲人十六年皆直是吳頭

來蜀尾子規聲裏弔靈均

榴花照眼對佳客荷葉傳杯懷故鄉想見明年話夔子

又如今歲念番禺

黍遇今朝生角艾從何處忽為神荷香十里一鉤月

定有扁舟歸去人

舟人鼓楫呼何在聲似湘沅江上聲更听刘郎竹枝曲

不論南北恁傷情

細葛含風羅疊雪近臣初拜賜衣時願因角黍詢遺俗

學士寧无六一詞

競渡本來緣救溺陵波初不為爭標今人不解古人意

得勝歸來咲語囂

綵舟兩々鼓鼙々勝已山陰瀼水東父老相逢話良苦

况郎多在馬舡中

劉韶美至巫山寄詩因次其韵

終日思歸未有涯
夢魂无夜不還家
莫雲春樹憶太白
流水高山逢伯牙
卷軸隨身雖有厄
韶美至狼尾風流
得罪可無詳
劉以收書相逢莫便忽
忽去弭棹夔門過
食瓜

送元章改漕成都

取友四十載
普天半交游
薰葭群玉間
莫盛登瀛洲
元章真國士
未見心已投
雅抱畎畝志
共懷天下憂
館閣有人材
孰云專校讎
慷慨論世事
不見范尹歐
疆場况如許
寧不憂宗周
精忠屹肝膽
苦語驚冕旒
君去家勇决
我行尚遲留
初別擬十載
相逢忽三秋
龍飛起元老

江淮握貔貅
禮羅得奇才
戎幕資良籌
人事苦好違
壯懷莫能酬
去持夔州節
遙泛瞿唐舟
我亦来自番
茲行豈人謀
八陣觀壯圖
三峽窺倒流
訪君義勝堂
顧我制勝樓
如馬謁白帝
卧龍尋武侯
江亭覽月色
園花賞春柔
果分餘味甘
蘭贈深林幽
詩篇浩卷軸
墨妙輝山丘
氣薄文艷杜
詞卑竹枝刘
吏事容拙踈
交情荷綢繆
綸言下北闕
綉衣使西州
流錢豈君事
易地曾何優
胡不班玉笋
入告嘉謀猷
巴子国家貧
瘡痍民未瘳
君去誰抚摩
欲借嗟无由
我已上祠章
歸欵老田疇
遲君還日邊
寄書到東甌

次韵元章雷別

送客成都去回舟白帝邊月應遙共對夔復有誰憐我
只懷歸計君宜了世緣相期翼吾道餘事讀楞圓

夜與韶美飲酒瑞白堂秉燭觀跳珠分韵得跳

字

五月峽中天氣歆竹甯引水那能澆江濱就老卧未起
崖石不枯珠自跳草々杯盤對君酌灯前疑是簷花落
毫端寫出万斛珠共向炎天作水電妃子名園荔子丹
絳囊初摘堆金盤細擘輕紅唱君曲咀嚼水晶牙頰寒
老翁真箇如年少激水成珠堪一咲刘侯自有胃中珠
不止照人兼自照

儀鳳得珠字

別來世故朝昏殊相与言之汗模糊兩翁得酒促坐席
感深念極氣欲蘇籜亦解作水供紬繹尋丈如渴烏
衣中生秋背毛豎金石相應環佩趨江山豪壯旁尊俎
醉中頗骨鬣珠此時一事復掛口為樂未竟成暗嗚
夔州憂民困湯火潤澤有志无坦途眼前焦熬十万户
欠伸戲咲皆霑濡自操量鼓入官廩不輸一錢分水符
讀書功力无表畔久矣俗吏輕吾儒州民輸租得自操
以已奉補公帑比入境得之民謠者

次韵韶美失舟閔書

醫師箠參朮良將枕戈矢儒生嗜底物書卷掛口齒刘
侯西南来歲月十首尾閉門閱古今過眼分亥豕異書

照神蔡奇字哭妖鬼許身如蠹魚文字共生死風流反
得罪去國果誰耻仙舟載祕閣便腹貯名理江神亦世
情逐客多不喜厄同焚書秦惡類滅邢燬沾濡徧箱篋
痛惜到骨髓我初聞為驚終夜成坐起得君詩細讀罪
已不罪水願言坐嚼餘書著子刘子

韶美歸舟過夔番半月語離作惡詩二章以送
五載三詩送我歸古夔今作送君詩相如游處符分竹
諸葛陳旁舟解維秉烛莫辞煩把酒揮毫未免各憂時
可憐灑頰双蓬鬢會合无多又別離
弱羽年來正倦飛夔門邂逅故人歸人生一咲難開口
世事多端合掩扉况是桑榆俱晚景何曾富貴已危機

明朝悵望仙舟遠百尺高樓上靜暉州宅有靜暉樓此篇用韶美送元章

元章至雲安用送韶美韵見寄次韵以酬

社燕秋鴻不共飛却因送別更懷歸一壺獨酌人何處
千里相思月滿扉烟雨已催予把釣功名行看子投機
雲安双鯉傳書至詩句清含山水暉

静暉樓前有荔子一株木老矣猶未生予去其
枯枝今歲遂生一二百顆至六月方熟

木老生遲六月丹夔州荔枝皆明珠百顆照朱顏因渠
風味思瑶柱東坡以荔枝擦我鄉心念玉環玉環名也吾邑
蜀鄉路遠應難三日寄荔枝過一日香色味俱樓高

更上一層攀君謨譜內丁香種宜在江陳品第間味甘
小正如閩中丁香荔子

行可和詩再用前韵

肌膚冰雪鶴頭丹三峽相逢一破顏人折高枝如折桂
馬街餘顆似銜環香傳樂譜名尤重曲名荔紅入詩家
句莫攀老杜有句紅來歲熟時先寄我夢竟應到白雲
間計臺有白云樓

行可再和因思前日与韶美同飲計臺臨池摘

實復用前韵

星火燒空一夜丹來禽青李竟无顏少陵池館三人賞
世傳計臺乃少陵白帝江山四面環生晚免教妃子汗

食餘應許黑衣攀閩娘十八誰標榜未必風流伯此間
坡詩亦及黑衣郎謂猿猴也

又用韵呈行可

神仙乞与返童丹枯木能成處子顏雅樂声中逢魏絳
重圍解後見齊環九齡賦妙那能继三峽詩高未易攀
兕觥莫言酬倡晚吾鄉食實在秋間夜來和詩兒女輩
作詩何也鄉里七月方食閩荔

元章至萬州湖灘寄六言一絕云滿目莫山平

遠一池雲錦清酣忽有鍾声林際直疑夢到江

南某六月朔日登静暉樓觀江漲望西南碧遠

数峯乃前日送别処也為之黯然樓前荔子初

丹次韵寄元章

遙碧峯尖如削輕紅荔臉初酣水漲江天渺之故人一葉西南

韶美至雲安寄詩二首并用詩字韻以寄

劉郎初自日邊歸入峽殷勤寄我詩大小承天思越絕往在會稽韶美居大承天後先去國會坤維分題應記幸某居小承天今号能仁跳珠夜送別還思入竹時千里遙之共明月此心无合亦无離

伏日与同官小飲瑞白堂觀跳珠分韵賦詩

瑞白堂虛冰雪凝散為珠玉洗炎蒸詠諧未效東方朔賦詠聊追杜少陵

伏日懷香易同僚

去歲番禺四望亭題分十二志同登眼中忽見天邊月不謂天邊是固陵

餘干翁簿以予去饒之日郡人斷橋見留畫圖

賦詩見寄因次其韵

我慕鄭子真躬耕老岩谷不慕蘇季子腰金詫宗族失脚踏塵網回頭念幽獨向來鴛鴦行進退慚碌々把麾番君目飲水清湾曲緬懷九賢人痛閱千里俗奉揚乏仁風黎庶因炎燠疇能政有成敢望諾无宿厚顏叨祿廩汗背擁旌纛命下忽變門諸公孰推轂水陸三千里湖重嶺仍復至喜謁文忠秘婦懷李龔番人憐老守去

類楚臣逐出門橋已斷擁道類爭感初无壘黃政濫繼
秦侯躅仇香旧同僚別寄兩竿牘賦詩仍畫面開卷宛
在目清音滿干越餘韵到巴蜀我有二頃田荒蕪雁山
腹願畫歸去來芒鞋事耕育

贈裴童子

文公有序規童子將聖猶言畏後生好把五車書盡讀
五車讀了要須行

行可生日 六月十四日

千載岐周鸞鷲聞果生英傑嗣姬文鯤鵬变化正六月
蟾兔光輝將十分肯把威名爭烈日只將道眼視浮雲
祝公壽共詩書久一瓣心香已敬焚

王嘉叟和讀楚東詩復用前韵以寄

照眼驪珠光陸离莆田太守寄新詩死生貴賤交情見
惟有吾宗不徇時

嘉叟和黯字詩再用前韵以寄

金谷富季倫丑坐貴思黯人間幾泉石豪奪在軒檻燕
賀厦初成花飛春忽滅破甑任生塵只有菜蕪范

和喻叔奇宿大木寺

木記餘千大風觀楚國雄吾詩畱大才君句壓雄風番
水連天碧潘花滿縣紅叔奇攝論文一尊酒何日故人
同

用讀楚東集韵寄元章

誰遣吾儕合又离江山深憶共題詩君舟西上吾東矣
尊酒論文更幾時

納涼

簾捲見山近窓開竹香香訟庭公事少靜坐納微涼

立秋

節物催吾老天涯見立秋涼微金尚伏暑熾火初流家
遠思嘗稻年衰怯載楸變人立秋並善秋葉歸耕期已近河漢望
牽牛

七夕

去年佳節吳頭見今夕秋声峡内聞桂魄漸看成半璧
銀河猶自掩微雲晒書空有便之腹乞巧初无怪之文

為向天牛女女道夫耕婦織莫辭勤

懷番易

一別番易歲及暮雙門又見食瓜時自慙政拙无遺愛
安得民心有去思同官有錄民謠見寄

齒落用昌黎韵

我来饒与夔三載隨兩齒懸知年非永早悟仕當已要
須未落時猛效二疏止胡為一再落不已良可耻慨然
懷古人未有長不死因思年方少輩行多勝已顏紅齒
牢潔往々同逝水吾衰况如許寧復老彭比覽鏡視顏
色今昨不相似行年五十五万事可休矣功名与富貴
磨滅何足紀但願早還鄉俯育三百指婚嫁畢兒女松

楸依怙恃弟兄飲真率故旧忘汝尔齿牙任搖脫肉食
吾不視有身久為患无齒實堪喜始憂咲韓公可惜陋
子美未必傷我心兹言聞柳子

梅溪先生後集第十二

